

Paerewa Paetae

Aronga	Te Reo Rangatira 2.2			
Ingoa	Te wetewete i ngā tuhinga tuatahi			
Kaupae	2	Whiwhinga	3	Aromatawai Ā-roto
Marau akoranga	Te Marautanga o Aotearoa			
Kokonga akoranga	Te Reo Rangatira			
Mana rēhita	Registered	Te rā i mana ai	20 November 2014	
Te rā e arotakengia ai	31 December 2019	Te rā i puta ai	20 November 2014	

Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Tā, Rautaki Reo

- 3 *Ka whakarite i ngā rautaki tukanga kia mārama ai ētahi tuhinga, ētahi reo ataata rongonui me ngā momo tuhinga mai i neherā tae noa ki tēnei wā.*
- 5 *Ka torotoro, ka whakahiai, ka whakarite i ngā rautaki rangahau mai i te puna mōhio whānui.*

E hono ana ki te Papa Whakaako mō Te Reo Māori kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

Paetae Te wetewete i ngā tuhinga tuatahi.	Hei tohu i te paetae: <ul style="list-style-type: none"> • Ka wetewete i ngā tuhinga tuatahi i whakaritea ai te tatau kupu Māori, kupu whakamāori, tikanga tuhituhi hoki. • Ka whai i ngā tuhinga tuatahi kia kite atu ai i te whanaketanga o ngā tikanga tuhituhi.
Kaiaka He kaiaka te wetewete i ngā tuhinga	Hei tohu i te kaiaka: <ul style="list-style-type: none"> • Ka nahanaha te wetewete i ngā tuhinga tuatahi i whakaritea ai te tatau kupu Māori, kupu whakamāori, tikanga tuhituhi hoki. • Ka tautuhi i ngā tuhinga tuatahi kia mārama ai ki te

tuatahi.	whanaketanga o ngā tikanga tuhituhi.
Kairangi He kairangi te wetewete i ngā tuhinga tuatahi.	<p>Hei tohu i te kairangi:</p> <ul style="list-style-type: none"> • Ka nanakia te wetewete i ngā tuhinga tuatahi i whakaritea ai te tatau kupu Māori, kupu whakamāori, tikanga tuhituhi hoki. • Ka tātari i ngā tuhinga tuatahi kia whakamārama ai i ngā tini āhuatanga o ngā tikanga tuhituhi.

Kōrero Āpiti

- 1 E whai ake nei ngā whakamārama o ngā tino kupu, kīanga rānei:

nanakia	Ka whakanikoniko i te kiko o te whakaaturanga e kounga ai. Ka whai huarahi kē atu e tutuki ai te whāinga.
tuhinga tuatahi	Ko ngā tuhinga nō te rautau 1800 ki te 1900.

- 2 Ko te aronga matua o te paerewa nei, ko te āta titiro ki ngā rārangi kupu Māori a te Pākehā me ngā whakamāoritanga kupu Pākehā a te Māori.
- 3 Ko ētahi o ngā tino mahi mā te ākonga, ko te kohikohi haere i ngā rārangi kupu Māori a te Pākehā me ngā rārangi kupu Pākehā i whakamāoritia hei whakariterite i ngā tikanga tuhituhi.
- 4 Ka wetewete, ka māhitihiti i ngā tuhinga tuatahi hei tautohu i ngā tikanga i whakamāoritia ai ngā kupu me ngā whakaaro Pākehā.

Kuputaka:

māhitihiti	categorise
nanakia	well-crafted, original
nahanaha	systematic
tātari	analyse
tautohu	identify
tautuhi	define
tikanga tuhituhi	writing conventions
wetewete	parse, deconstruct
whanaketanga	development

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromataawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromataawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233